

S. D. N.

D. CLEMENTIS DIVINA PROVIDENTIA PAPAE OCTAVI

Super bono regimine, & recta administratione reddituum Communitatum, & Vniuersitatum
Status Ecclesiastici.



R O M A E,

Apud Paulum Bladum Typographum Cameralem. M. D. XCII.

D. CLEMENTIS
DIVINAE PROVIDENTIAE
PAPAE OCTAVI

Super bono regimine, & recta administratione reddituum
eiusdem Communiarum, & Vniuersitatum
Status Ecclesiastici.



ROMAE.

CLEMENS EPISCOPVS

Seruus seruorum Dei.



D PERPETVAM REI MEMORIAM. Pro commissa nobis à Domino S. R. E. eique etiam in temporalibus subiectarum Ciuitatum, & Populorum, tutela, paternaq; erga nostros subditos caritate; præcipuo studio tenemur prouidere, vt ad eos pertinentia bona, ea, qua decet, fide, & cura, vtiliter & prouide administrentur: præsertim verò tollantur prauis abusus, qui in publicum & commune damnum paulatim irrepunt: Ex quibus, & hæcenus graui ære alieno communia illorum bona oppressa, vel ab ipso nostri Pontificatus initio comperimus; Et malum hoc, nisi celeriter opportuna remedia adhibeantur, quotidie in deterius pro labi videmus.

Dum enim pauci sua priuata commoda & lucra quærunt, atque illicitis modis, quod prauè ambiunt, aut concupiscunt, consequi affectant, Potentiorum, aut vbi gratiam vanis assentionibus aucupantur, suas denique cupiditates explere satagunt, nulla vtilitatis publicæ ratione, habita, ærarium publicum ipsarum Ciuitatum & Locorum exhauriunt, graui ære alieno implicant, inanibus pompis & ostentationibus dilapidant. Quibus malis atque incommodis (quantum, nostra vigilantia atque auctoritate, eniti possumus) occurrere cupientes. Hac nostra, perpetuò valitura constitutione, statuimus, & ordinamus, vt, in qualibet Ciuitate, Terra, Oppido, Castro, & Loco disti status temporalis Ecclesiastici vniuersi, itaut etiam Bononien. & Beneuentan. nostræ Ciuitates sub hac constitutione sint comprehensæ, Tabella, aut Libellus quotannis initio anni conscribatur, in quo sumptus omnes ordinarij & extraordinarij publicè vtilis, aut necessarii, sint descripti: Et earum quidem, quæ certæ, & ordinariæ sunt, expensarum, certa etiam taxa & summa exprimitur, quæ verò incertæ, & extraordinariæ videbuntur, earum vniuersæ summa aliqua annua taxetur, quàm toto anni curriculo excedere nequaquam liceat: Sigillatim verò pro rei indigentia, ex vniuersa summa sit taxata à toto Consilio, cum interuètu Prædictis, Gubernatoris, aut Potestatis, portiones necessariæ infra annum detrahantur, eaq; Tabella, aut Libellus per Gubernatorem, seu Præsidentem Prouinciæ, aut Ciuitatis, & cuiuscunq; Terræ, Oppidi, & Castri Prætorè, seu Potestatem, singulis annis: Hac verò prima vice non solum ab ipsis: sed etiam post eos intra triginta dies tñc proximè sequentes, à dilectis filijs S. R. E. Cam. & Thesaurario generali Cam. Apost. accuratè & diligenter inspicatur, corrigatur, & approbetur, ex pñtis inde ijs omnibus impensis, quæ præter, aut contra hanc nostræ Constitutionem, etiam ex statuto, vel cõsuetudine antiqua fieri solebant, ac retento ipsius Tabellæ, seu Libelli exëplo, seu Registro penes Camerā Apost. gratis, & absq; vllò earundem Communitatũ, seu Vniuersitatum dispendio, statim intra decem dies, ab ipsius receptionis die numerãdos sic reuisa, approbata, & correctæ, ad prædictas Cõmunitates, seu Vniuersitates remittatur. Distinctè aut inhihemus sub indignationis nostræ, & alij grauißimis nostro, & Successorum nostrorũ arbitrio, imponendis pœnis, ne pro sigillo, vel pro scriptura, carta, atramento, cera, capsula, cordulis, alijsue rebus, ad huiusmodi expeditionem pertinentibus, seu pro labore, aut regalibus, quidpiam, ne minimum quidem obolũ, hac de causa prædicti Camerarius, aut Thesaurarius, eorumue Notarij, Tabelliones, Secretarij, Familiares, aut quilibet Officialis, vel Minister exigere, vel etiã spontè oblatũ, recipere præsumat, quinimò volumus, vt sine vlla mora omnia gratis, & prout in Pœnitentiaria Apostolica fieri solet, sine aliqua solutione expediantur, & mittantur. Atq; in hoc, Camerarius, & Thesaurarius prædicti summo studio inuigilent, & si aliquem ex suis, vel alijs Notarijs, Tabellionibus, Secretarijs, Familiaribus, Officialibus, aut Ministris, vel minimum quicquam recepisse deprehenderint, aut cognouerint, contra eos, etiã ad priuationis officiorum, & munerum quæ obtinent, inhabilitatisq; ad illa, vel alia in posterũ imponenda exilij perpetui ab Vrbe, & eius districtũ, & alijs grauioribus pœnis procedant. scituri, si conueniendo, aut tolerando, aut alias quomodolibet receptionum, & exactionum huiusmodi per se, vel alium conscij, aut participes fuerint, se quoq; nostrum, & successorum nostrorum in iudiciũ, in hac re fuerum, vt præsertur, subituros. Verum eadem Tabella, seu Libellus, eiusue exemplum sic correctum, approbatum, & intra decem dies remissum, nedum in ipsarum Communitatum, seu Vniuersitatum Archiuio afferretur, sed in publico aliquo, omnibus patenti, ac conspicuo loco, pro foribus Aula: vbi haberetur publicum consilium, vel vbi ius dicitur, & frequens populi sit conuentus:

affigatur, & perpetuo retineatur, Nec liceat in futurum, nisi de expressa, Camera Apostolica, aut si virgens necessitas moram non patiatur, Gubernatoris, aut Praefidis Ciuitatum, & locorum, qui statim postea Camerarium, & Thesaurarium Generalem praedictos, certiores de eo reddere teneantur, licentia, cum interuentu Procuratoris Fiscalis eiusdem loci, causa cognita, etiam similiter gratis concedenda, Tabellae ipsius, seu Libelli tenorem etiam sequentibus annis immutare, aut alterare, neque abique praedicta licentia, etiam in casibus improvisis, inopinatis, aut insolitis, aliquid, ultra contenta in huiusmodi Tabella, aut Libello, erogare. Quicquid vero ultra praeferi prae summas erogatum fuerit, id volumus, ut ab eis, quibus exigendi, & solidandi computa, & rationes expensis, siue illa, ut dicitur, indicandi cura, incumbit, nequaquam ratum habeatur, neque, ipsis communibus Aerariorum dictorum locorum, aut massis, sed personis singularibus, quae sumptis ipsos fecerint, expensum feratur, quae etiam ad illius tanquam ab eis indebite ablatis, restitutionem, teneantur, id autem quo accuratius seruatur, & earundem Ciuitatum, & Terrarum, ac Populorum utilitati amplius consulatur, praecipimus, ut quilibet modernus, aut pro tempore existens Gubernator, Praefes, aut Potestas, tam ex nunc, seu in ipso primo ingressu, quam deinde statim finito tempore Magistratus per quoscunque Priores, Massarios, Camerarios, aut Officiales, gesti, intra decem dies ab ipsis Prioribus, Massariis, Camerariis, seu Officialibus, qui magistratu funguntur, aut fungi desinunt, respectiue, plenariam informationem rerum, ad publicum regimen, & administrationem communium bonorum pertinentium, praecipue vero indicem, & nomina singulorum debitorum cuiuscunque Communitatis, seu Vniuersitatis, tam ex supradictis, quam ex alijs quibuscunque, causis, accurate, & singillatim descripta, sibi tradideaque postmodum cum primum solutionis dies aduenerit, aut si iam aduenerit, intra tres, aut ad summum, quatuor menses per officiales, & Magistratus earundem Communitatum, seu Vniuersitatum, exigat, & in Aerarium Communitatis, seu Vniuersitatis, referri, & si quid in fine anni deductis expensis in Tabella, seu Libello descriptis, supererit, id in extinctionem aeris alieni publice contracti, aut si eas alienum nullum sit, vel in Annonam subleuandam, vel pro Monte pietatis, vel in recuperationem, & redemptionem bonorum, & rerum, seu iurium per ipsas Communitates, seu Vniuersitates alienatarum, vel denique in aliorum immobilium bonorum emptionem, cum interuentu tamen Gubernatoris, seu Potestatis, & Procuratoris Fiscalis Locum conuerti curet. Quod si praedictas pecunias in Monte pietatis deponi contigerit, id ea conditione fiat, ut illas postea, quandoque eadem Communitates, & Vniuersitates inde extrahere, & si eis videbitur in usus per hanc constitutionem permisso erogare valeant. Fiscis vero cuiuslibet Locum Procurator perat omnino coram Syndicis, & Gubernatore, seu Praefide aut Potestate intra decem dies ab ijs, qui Magistratum perfuncti sunt, tam de administratione iuxta taxam in Tabella, seu Libello praescriptam, quam de alijs supradictis, praesertim nominibus debitorum inexactis rationes, reddat. Et si quid vel in expensis excessum, vel circa exactioem neglectum, aut per negligentiam ultra tempus praedictum dilatum fuerit contra eosdem reos, Magistratu, ut praefertur, perfunctos, ad restitutionem indebitarum expensarum necnon ad solutionem de suo proprio debitorum per negligentiam inexactorum, ac ulterius, etiam ad poenarum in hac Constitutione contentarum, executionem procedi, quarum pars quarta ipsi Procuratori Fiscali sit applicata. Si vero post huiusmodi decem dies elapsos, Gubernator, aut Potestas in exigendis rationibus, vel in cogendo ad soluendum, vel restitutionem, aut in exequendis poenis siue alias in praemissis negligens fuerit, ad restitutionem, & refactionem damni, ex indebitis impensis, vel retardata exactione communi Aerario cuiuslibet Locum, illati, etiam de suo proprio integre teneatur. Procurator autem Fiscalis eius Terrae, Oppidi, aut Ciuitatis, Generalem Camerae Apostolicae Procuratorem Fiscalem de huiusmodi negligentia certiore faciat, siue etiam cuilibet de Populo, id denuntiari liceat, ac tam in indicatu per eos ad quos spectat, quam postea per Procuratorem Fiscalem Generalem Cam. Apostolicae contra ipsos Gubernatores, & Potestates, siue etiam contra personas, quae pro ipsis in indicatu fideiusserint, procedatur, ita ut tam ab eis, quam ab ipsis reis principalibus, illatum damnum, inexacta debita, indebitaeque expensae, & quae in hac Constitutione continentur multae, cum simili lucro personis praedictis applicando exigantur. Ac propterea, tam ipsi Gubernatores, Praefides, Potestates, quam Procuratores Fiscales, & praemissis culpabiles, officijs per eos obtentis, eo ipso priuati, & ad illa, atque alia similia de caetero obtinenda perpetuo inhabiles, & in pauperes sint, & censeantur. Praefati vero Gubernatores, & Potestates, eorumque Cancellarii, Secretarii, Tabelliones, aut Ministri, vel Familiarii nihil omnino, ne minimum quidem occasione indicatus huiusmodi, vel pro sententia ferenda, aut pro Tabella, seu Libello conficiendo, reuicendo, vel licentia, ut praefertur concedenda, subscribenda, vel taxa facienda, emolumentum, aut regallium, neque etiam pro mercede, aut labore, si

ue aliàs, vt præfertur, percipiant, & si quid perceperint etiam tamquam huius Constitu-
 tionis vio-
 latores, pœnas, quæ in ea sunt descriptæ, ipso facto incurrant. Cæterum omnibus, & singulis Com-
 munitatibus, Vniuersitatibus, & Populis quarumcunq. Prouinciarum, Ciuitatum, Terrarum, Op-
 pidorum, Castrorum, & Locorum status nostri temporalis Ecclesiastici, earumq. Senatui Cõsilijs,
 Adunantijs, & Congregationibus, Magistratibus, & Administratõribus eorumq. singularibus per-
 sonis, districtè interdiciamus, & prohibemus, ne quis eorum, vel earum, sub quouis prætextu, aut
 causa, etiam vrgenti, & necessaria, contra constitutionem se. re. Sixti PP. V. Prædecessoris nostri,
 quæ incipit, Inter multiplices, quam nos harum serie approbamus, innouamus, & ampliamus; Bõ-
 nã, aut iura sua vendat, alienet, hypothecet, aut census super illis imponat, aut pro se, præterquam
 ex causa locationis tantum ad modicum tempus, & solutionibus non anticipatis, nõ autem titulo
 conductionis, nec villo modo, pro alijs obliget, siue ære alieno se obstringat, neque Legatos, seu
 Oratores ad nos, & Sedem Apostolicam sumptibus publicis, aut etiam priuatis, & proprijs ipso-
 rum Legatorum, neque etiam si ipsi sponte id munus suscipere, & de suo proprio impensis subire
 velint, vnquam mittat neue sub nomine Agentis, aut Negociorum gestoris, vel Procuratoris, aliàs
 quam ad necessarium litum prosecutionem in Rom. Cur. pariter expensis communibus, aut pri-
 uatis, retinere, aut mittere, neue quispiam id munus suscipere, aut obire audeat, nisi habita prius,
 quoad obligationes, & alienationes, licentia, iuxta prædictã Sixti Prædecessoris Constitutionis tẽ-
 nõrem: Quo vëro ad mittendos Legatos, seu Oratores, à nobis, vel pro tempore existente Romano
 Pontifice, vel ab eo, qui consultationibus negotiorum Status Ecclesiastici pro tempore præerit
 dumtaxat in scriptis obtenta, sine qua, si quis id munus suscipere ausus fuerit, præter aliàs per Six-
 tum Prædecessorem inflisctas pœnas, etiam officijs per eum obtentis eo ipso priuatus, & ad illa, &
 alia quæcumq. obtinenda perpetuò inhabilis, & incapax, nec nõ infamis, & ignominia, acque infam-
 ia notatus, censeatur. Ad hæc prohibemus pariter ne prædictæ Communitates, Vniuersitates,
 earumue Collegia, Senatus Adunantiæ, Congregationes, Magistratūs, Officiales, aut Singulares
 personæ villo modo præsumant, ex fructibus, redditibus, & prouentibus collectis, vel contributi-
 onibus certis, vel incertis, ordinarijs, seu extraordinarijs, eorum Aerarij, seu massæ communis, siue
 ex pecunijs, etiam priuatis, & particularibus singulorum Ciuium per viam voluntariæ collectæ,
 seu contributionis in commune congestis, etiam cuiusvis statuti, seu consuetudinis, aut verius cor-
 ruptelæ prætextu ex quouis causa, etiam solita, & rationabili, Munera, aut dona quæcumque cui-
 us Legato, Vicelegato, Gubernatori, Protectori, Viceprotectori, Præsidi, Officiali, aut Personæ, etiã
 quauis, tam Ecclesiastica, etiam Pontificali; aut alia maiori, etiam S. R. E. Cardinalatus, quàm
 mundana dignitate fulgenti, seu illius consanguineis, affinis, familiaribus, aut ministris, mittere,
 tradere, aut largiri, aut in aliquis, etiam Legati, Vicelegati, Gubernatoris, Præsidis, Benefactoris,
 aut Protectoris honorem, etiam occasione hospitij, aut transitus, vel primi ingressus, aut ad benefi-
 ciorum acceptorum memoriam, gratiq. animi testificationem pro constituendis, ornandis, aut eri-
 gendis perpetuo, vel ad tempus portis, Arcubus, Tropheis, Porticibus, Moenibus, aut alijs monu-
 mentis, seu pro prædictis personis, quauis dignitate, vel auctoritate fungentibus, honorifice, lautè,
 & opipare excipiendis, seu pro quibuscunq. conuiuijs, aut hospitijs, etiam moderatis eisdem, aut cui-
 us alteri, quacumq. occasione, vel causa exhibendis, aut per personis, quæ illos comitentur, aut
 illis ministrent, vel obuiam procedant præciosis vestibus induendis villas pecunias erogare, vel pro
 congiarijs missilibus, aut muneribus publicis, seu etiam cibarijs esculentis, & poculentis epulis,
 commensationibus, aut comotationibus, Populo, aut Magistratibus, vel Officialibus vltra eorum
 salaria, & emolumenta de iure, vel ex laudabili consuetudine debita, largiendis, seu pro præstandis,
 pueris, vel adolescentibus, studiorum causa, alimentis, vel dotibus puellarum non egentium augen-
 dis, aut pro exhibendis spectaculis, etiam pijs, & intra Ecclesias, vel extra eas, in quibus suis publi-
 cis, aut priuatis, sacris, aut prophanis locis, etiam vbi Sanctorum, & Sanctarum vita, aut respicien-
 tibus Populis spectandæ proponuntur, seu etiam piorum operum, & caritatis, seu elemosynæ, præ-
 textu, aut alias in prædictis, seu alijs rebus superuacaneis in dicto Libello, seu Tabella non conten-
 tis, sed ad pompam, & ostentationem, aut ad oblectationem, vel paucorum lucrum, & priuata
 eorummoda quomodolibet pertinentibus, sumptus, aut impensas aliquas facere nisi re ipsa pro diuis-
 no cultu, & veris Christi pauperum indigentijs, de consilio, & consensu loci ordinarij, subleuandis,
 aut pro ijs tantum pijs ludis publicis, qui ex inueterato vsu permittuntur, & in prædicta Tabella,
 seu Libello exprimentur taxam à Gubernatore, seu Præside, aut Potestate ipsius Prouinciæ, Ciuitatis,
 seu Locis, cui sub sunt præfigendam, quæ in supradicto Libello, seu Tabella comprehensa erit,
 non excedentibus, sumptus huiusmodi fiant: Prohibemus insuper ne quicumq. Ciues, Oppidani,

aut Incolæ, qui suæ Communitatis, aut Vniuersitatis, bonorum detentores, vsurpatores, occupatores, fuerint, quique contra ipsas Communitates litem aliquam, seu controuersiam habuerint, quæ ad hunc effectum per solam vnicam citationem corpra, & inchoata, censetur, eadem lite, seu controuersia durante, necnon qui eiusdem suæ Communitatis, siue Vniuersitatis debitores, ex quacumq. causa extiterint, earumque bona, aut pecunias administrauerint, antequam id quod debent integrè persoluerint, seu rationes administrationis reddiderint, cum eius residui, in quo debitores remanserint, reali restitutione, ad obtinendos, gerendos, aut exercendos aliquos in ea Ciuitate, Prouincia, Oppido, Terra, Castro, aut Loco, Magistratus, aut Munera quæcunq. vel officia publica, villo modo eligantur, vel admittantur: Et si de facto electi, admissiue fuerint, Electio, & admissio irrita sit & nulla: Et tam ipsi, quam eligentes siue admittentes, necnon Gubernatores, Præsides, & Potestates, qui id permiserint, vel etiam exauctam super his inquirendis, & prohibendis, diligentiam, prout eos teneri volumus, & decernimus, non adhibuerint, poenis in hac Constitutione contra illius transgressores infictis, plectantur. Porro locationes, seu affectus, tam vestigialium, quæ gabellæ, aut datia dicuntur, quam aliorum quorumcumq. reddituum, prouentuum, iuriu, & emolumentorum, ad commune ipsarum Ciuitatum, & Locorum Aerarium quomodolibet spectantium statuimus, & iubemus omnino seruatis seruandis atq. adhibitis solemnitatibus, quæ de iure, aut cuiuslibet loci statuto, vel consuetudine requiruntur, cum personis fide, & facultatibus idoneis, quæ idoneas pariter in publico consilio approbatas cautiones præstent, iniri, & contrahi debere. In quibus sanè locationibus, seu affectibus, ea semper conditio, & pactio addatur, vt ipsæ Communitates, siue Vniuersitates ab omni prorsus detractioe, seu remissione, & vt vulgo dicitur defalcatione, ex quocumque ac inopinato, & insolitissimo belli incursum militum, depopulationis agrorum, direptionis, aut siccitatis, alluuiouis, grandinis tempestatis, incendij, aut alio quouis maxime fortuito casu, atque ex quouis capite, ac etiam legitima & vrgenti amissionis, aut diminutionis fructuum, etiam omnium, vel maioris partis, aut sterilitatis, vel alia quauis causa cogitata, vel incogitata, cogitabili, vel incogitabili, sint, prorsus immunes, nec ad id cogi possint, etiamsi de iure tenerentur, sed integre semper responsiones & præstationes, seu pensiones annuæ absque vlla diminutione per ipsos Conducentes eis solui debeant, & quamuis pactum huiusmodi forsan in contractibus omissum fuerit, nihilominus vigore præsentium litterarum tacite inesse, & subintelligi debere, perinde ac si id ipsum inter contrahentes expresse cautum, & conuentum fuisset: sublata, omnibus Iudicibus, etiam S. R. E. Cardin. ac Sacri Palatii Apostolici Auditoribus aliter iudicandi, & interpretandi, facultate. Depositarios quoque pecuniarum, & introituum communis Aerarij cuiuslibet Communitatis, siue Vniuersitatis, non aliter eligi, deputari, aut admitti volumus, nisi, priusquam id munus assumant, idoneam, arbitrio Gubernatoris, Præsidis, aut Potestatis, cautionem præstent. Alioquin, tam ipsas locationes, affectus, seu appaltus, quam Depositariorum depurationes, siue electiones, aut admissiones cum omnibus inde sequutis etiam obligatione in forma Camera Apostolicæ, iuramento, aut instrumento publico, vallatas, irritas, & nullas censi, & nihilominus Magistratus, seu Officiales, qui contractus ipsos iniuerint, Depositarios admiserint, vel in publico consilio assensum dederint, vna cum cæteris consentientibus pariter poenis in hac Constitutione expressis teneri decernimus, & declaramus. Præterea auctoritate Apostolica tenore, earundem præsentium reuocamus, irritamus, & annullamus, omnes & quascunq. exemptiones, immunitates, remissiones, condonationes iurium, atque onerum realium, & personalium, aut mixtorum Camera Apostolicæ, seu eorum communi Aerario debitorum, aut vestigialium, gabellarum, datiorum, portuorum, Dohanarum, Collectarum, subsidiorum, contributionum, cuius particulari personæ pro rata illos quomodolibet tangenti, siue præsidij, aut bonis, per eas possessis per quascunq. Communitates, seu Vniuersitates, ex quauis causa, etiam legitima, & de iure debita, seu permissa, qualis est ob numerum xij. filiorum, & quacunque occasione, etiam sub prætextu tituli onerosi, & contractus, vltro citroque obligatorij, etiam publico consilio, & communi omnium consensu, perpetuè, vel ad tempus concessas, etiamsi id sine villo Camera Apostolicæ damno, aut præiudicio factum fuerit, ratamq. ipsam eadem Communitates & Vniuersitates in se susceperint. Distinctius inhiibentes, ne quid tale in posterum concedere, aut attentare præsumant, ac reuocantes ex nunc in irritum quicquid circa omnia & singula præmissa, præter, aut contra hæc nostra interdita, prohibitiones, statuta, ordinationes, iussa, voluntates, decreta, mandata, aut præcepta, scienter, vel ignoranter contigerit attentari. Quod si quis coniunctim cum cæteris, seu diuissim, nostrarum huiusmodi prohibitionum, statutorum, ordinationum, iussionum, decretorum, mandatorum, voluntatum, aut præceptorum, violator, seu transgressor extiterit; Statuimus,

vt præ-

vt præter superius expressam restitutionem, aut solutionem, seu damni refectionem, ij, qui præmi-
nitionem, aut gradu aliquo cæteris Superiores fuerint, nisi pro viribus, id quod contra hanc Constitu-
tionem attentatum gestumue est, impedire tentauerint, suumque assensum omnino constanter de-
negauerint, omnibus, & singulis per eos obtentis dignitatibus, gradibus, muneribus, officiis, & Ma-
gistratibus, eo ipso priuati, ac tam ipsi, quam alij inferiores, qui id suaserint, procurauerint, peti-
terint, proposuerint, aut ipsimet fecerint, vel ab alijs fieri iusserint, ad illa & alia similia, vel disci-
similia in futurum obtinenda, inhabiles perpetuò, & incapaces, ac perpetua infamia & ignomi-
nia, notati, & singuli eorum si soluendo fuerint, vltra prædictam restitutionem ad duplum eius-
damni, quod communi massæ, seu mensæ illatum fuerit de suo reficiendum, obligati existant, sin-
minus poenâ exilij, aut carceris saltem triennalis plectantur: Alii verò qui solummodo consensum
râcité vel expresse præstiterint, si soluendo fuerint, tantundem pecuniarum quantum erogatum
extiterit, de suo persoluant, sin autem id propter inopiam præstare nequieverint, poenâ aliqua
corporis afflictâ, Superiorum arbitrio puniantur, & eiusmodi multarum quarta pars inter eos
diuidatur, qui quantum in eis fuerit, contradixerint, seq. oppoſuerint, vel post consensum præsti-
tutum, erroris poenitentes, Superioribus id primi denuntiauerint. Sed & constitutiones piæ mem-
Bonifacij Octauj, & Gregorij xij. Roman. Pont. Prædecessorum nostrorum contra pacificentes,
promittentes, dantes, aut recipientes quicquam paruum, vel magnum pro gratia vel iustitia, pro-
se, vel alijs obtinenda, & contra complices, vel dantes in præmissis auxilium, consilium, vel fauo-
rem, cum omnibus in eis contentis poenis, censuris, & extensionibus, quæ supradictis aggravatæ,
& additæ, non autem per eas imminutæ, aut immutata censeantur, harum serie approbamus, &
in nouamus, ac ad omnes superius expressas personas, etiam speciali nota dignas, quæ contra vtri-
mò dictas Constitutiones in quibusvis casibus per eas expressis, dando, recipiendo, promittendo,
pacifendo, consentiendo, aut permitiendo, non solum apud Sedem Apostolicam, sed in quibusvis
Tribunalibus, & eorum quibuscunque iudicijs etiam Laicis Almæ Urbis, ac tam in Romanæ
Curia, quam extra eam, in quibuslibet temporali ditioni nostræ, mediata, vel immediate a te subie-
ctis, Prouincijs, Ciuitatibus, Oppidis, Terris, & Locis, deliquerint, per easdem præsentis extendi-
mus, & ampliamus poenis alijs à iure, vel per alias Constitutiones Apostolicas, aut propria loco-
rum statuta, vel consuetudines, contra personas, aliquid præmissorum committentes, vel omit-
tentes, forsan decretis, vel inscriptis, nihilominus in suo robore permanfuris. Quocirca vniuersis &
singulis modernis, & pro tempore existentibus eiusdem Sanctæ Romanæ Ecclesiæ Camerario, The-
saurario Generali, necnon Legatis, Vicelegatis, Præsidibus, Gubernatoribus, Potestatibus, ac
Prioribus, Magistris, Magistratibus, & Officialibus, cæterisque ad quos spectat, per Apostolica
scripta mandamus, quatenus ipsi, & eorum singuli quantum ad eos pertinet, curent, omni studio,
diligentia, auctoritate, & vigilantia, præsentem Constitutionem firmiter, & inuiolantè obseruari: Et
contra inobedientes, vel transgressores, condignis poenis animaduerti, præcipue verò ipsi Legati,
Vicelegati, Præsides, Gubernatores, & Potestates, contra quoscunque Communitatum, siue Vni-
uersitarum debitores pro exactione integræ summæ & quantitatis, quæ earum communibus & a-
uerisrarij debetur, & pro tempore debetur, summarie, simpliciter, & de plano sola iustitiæ veritate in-
spectâ, sine strepitu, & figura iudicij, manu regia in vim præsentis Constitutionis, etiam quauis
inhibitione, tam à prædicto Camerario, seu Causarum Camera Apostolicæ Generali Auditore,
quam à quocunque alio Iudice ordinario vel delegato, quauis auctoritate fungente etiam forsan,
in vim specialis commissionis decreta, non obstant, iuris & facti remedijs opportunis procedant,
& omni, & quacunque appellatione remota exequantur, eosdem inobedientes, necnon contradi-
ctores quoslibet & rebelles, per opportuna iuris & facti remedia, appellatione postposita, com-
pescendo, inuocato etiam ad hoc, si opus fuerit, auxilio brachij secularis. Non obstantibus con-
stitutionibus & ordinationibus Apostolicis, dictarumque Prouinciarum, Ciuitatum, Terrarum,
Oppidorum, & Castrorum, iuramento, confirmatione Apostolica, vel quauis firmitate alia robo-
ratis, statutis, consuetudinibus, priuilegijs quoque indultis, & litteris Apostolicis, quorumcunque
tenorur existant, per quæ præsentibus non expressa, vel ad verbum non inserta, effectus præsen-
tis nostræ Constitutionis impediri, quomodolibet valeat, vel differri. Quæ omnia, quatenus præ-
missis in aliquo aduersentur, prorsus tollimus, & abrogamus, cæterisque contrarijs quibuscunque.
Volumus autem, vt præsentis litteræ in valuis Sancti Ioannis Lateranen. & Principis Apostolo-
rum de Vrbe Basilicarum, & in acie Campi Floræ publicentur, affixis inibi earum exemplis, & di-
missis: Quodque earum exempla, seu illorum compendia latino, aut vulgari sermone conscripta,
in libris quorumcunque Statutorum prædictarum Communitatum, & Vniuersitatum inferantur, &
saltem

saltem bis quotannis, in publicis, & maioribus consilijs, siue adunantijs cuiusque Communitatis, siue Vniuersitatis, alta, & intelligibili voce legantur, atque in publico etiā aliquo omnibus patenti loco, ubi frequenter Ciues, aut Oppidani conuenire soleant, perpetuò affixum retineatur, ad eò vt si contingat exempla huiusmodi inde amoueri, aut lacerari, seu temporis diuturnitate consumi debeant omnino Priores, Massarij, Cancellarij, siue alij earundem Communitatum, siue Vniuersitatum Officiales sub priuationis officiorum obtentorum, & inhabilitatis ad illa, vel alia postmodò obtrinenda, & alijs etiam grauioribus corporis afflictuius poenis, ipso facto incurren. curare, vt statim eadem exempla renouentur, & denuo affigantur, & si id commodè fieri poterit in marmoreo aliquo lapide ad perpetuam memoriam insculpantur. Demum à singulis Legatis, Vicelegatis, Præsidijs, Gubernatoribus, Potestatibus, necnon Communitatum, seu Vniuersitatum Prioribus, Massarijs, Cancellarijs, aut quocunq; nomine nuncupatis Officialibus initio Magistratus, antequam ad illum exercendum admittatur, super earundem præsentium litterarum obseruatione, iusiurandum solemne publicè præstetur. Et nihilominus post triginta dies à die publicationis, vt præfertur, in Rom. Cur. faciendæ vnumquemque perinde arceat, & afficiat, ac si cuiq; personaliter intimatæ, & per eos iuratæ fuissent. Quodq; earum transumptis, etiam impressis, manu Notarij publici subscriptis, & sigillo personæ in dignitate Ecclesiastica constitutæ, obsignatis, eadem prius fides in iudicio, & extra illud adhibeatur, quæ adhiberetur eisdem præsentibus si essent exhibitæ, vel ostensæ. Nulli ergo omnino hominum liceat hanc paginam nostrorum statutorum, ordinationum, inhibitionum, prohibitionum, approbationum, innouationum, ampliacionum, decretorum, reuocationum, irritationis, annulationis, extensionis, declarationis, iusionis, sublarionis, abrogationis, præcepti, interdicti, mandati, & voluntatis infringere, vel ei ausu temerario contrariare. Si quis autem hoc attentare præsumpserit indignationem omnipotentis Dei, ac beatorum Petri & Pauli Apostolorum eius se noverit incursum. Datum Romæ in Monte Quirinali, Anno Incarnationis Dominicæ millesimo quingentesimo nonagesimo secundo, decimo octauo Kal. Septemb. Pontificatus nostri Anno Primo.

L. Dat.

M. Vestrius Barbianus.

Alexius de Alexijs.

Registrata Apud Marcellum Secretarium.

Anno à Natiuitate Domini nostri Iesu Christi, Millesimo quingentesimo nonagesimo secundo, Indictione quinta die verò vigesima prima Mensis Augusti, Pontificatus Sanctissimi in Christo Patris, & D. N. D. Clementis diuina prouidentia Papæ Octauij, Anno eius primo, supradictæ litteræ, affixæ & publicatæ fuerunt ad Valuas Basilicaram Sanctorum Petri, & Ioannis Lateranen. de Vrbe, necnon in Acie Campi Floræ, & ad valuas Cancellariæ Apostolicæ, per nos Iosephum Spadam, & Paschalem Sanctorum prælati S. M. N. Papæ Cursores.

Franciscus Baron Mag. Curs.